



UNIVERSITÄTS-
BIBLIOTHEK
PADERBORN

Vita Et Doctrina Jesu Christi

Avancini, Niccolò

Coloniae Agrippinae, 1689

Hebdomada IV. Post Pascha.

[urn:nbn:de:hbz:466:1-59970](https://nbn-resolving.org/urn:nbn:de:hbz:466:1-59970)

DOMIN. IV. POST PASCHA.

Christus detegit se discipulis.

1. **D**icit eis : *Mittite in dextram navigij rete. Miserunt, & jam non valebant illud trahere pro multitudine piscium* Joan.

2. Dominus jussit, licet nondum notus: prompta fuit discipulorum obedientia. Hinc tam copiosa captura Quæ ex obedientia facis, Dominus benedicet. Dominus potentia suâ collegit ad dextrum latus pisces, ut obedituris in promptu essent. Ut capias animas, à Deo præparandæ sunt. Non artis illud fuit, sed pietatis Domini. Nil fide tibi, sed Domino. Ad dextrum jaci rete jussit, ut discas sancta, non sinistra intentione operari. Sic laborans non fraudaberis fructu.

2. *Dixit ergo discipulus ille, quem diligebat Jesus, Petro: Dominus est. Ibid Cur primus Joannes Dominum videt. S. Hier. lib. 1. cont. Jovin. Jesus stabat in littora, nec sciebant Apostoli, quem viderent. Solus virgo virginem agnoscit, Virginitas ad Deum, divinaque cognoscenda conducit plurimum. Beati mundo corde, quoniam ipsi Deum videbunt. 2 Chrysoft. Jer. 78. Primus, qui diligitur, vidit; quia semper vivacius: qui diligitur, intuetur. Redde ergo te dignum, ut ameris à Deo, per amorem; & diliget te, &*
ma.

manifestabit se tibi. 3. Joannes Dominum esse Petro significat. Quæ de Deo capis, sine invidia communica.

3. Simon Petrus cum audisset, quia Dominus est, tunica succinxit se, & misit se in mare. S. Hier. in c. 24. Luc Non contentus vidisse, impatiens desiderii, negligens captionis, immemor periculi, ubi Dominum vidit in littore, ferum æstimat. si cum cæteris navigio perveniret. Ita fervor, nec patitur moras, nec timet pericula. Confer tuam tepiditatem. Quam lentè, aut quam parum operaris, etsi multa cognoscas! Abrumpe moras, & impedimenta. Petrus non est merfus: nec tu frangaris.

F E R I A II.

Christus in littore parat cibum, & invitat discipulos.

1. **U**tergo descenderunt in terram, viderunt prunas positas, & piscem superpositum, & panem Jo. 21. Dum piscantur, Christus eis cibum parat. Etiam in glorioso corpore nõ dedignatur vile ministerium. Et dedignaberis tu in mortali carne officium humile? 2. Ignorabant Apostoli unde pisces illi assi (nam plures erant) unde panes, ac formatum prandium. Indicare voluit Chri-

stus sibi omnia parere, at illam ipsam tot piscium capturam suam esse beneficium. Agnosce, si quid boni habes, à Deo venire. Redde ergo illi, & ad ejus gloriam impende.

2. *Dicit eis Jesus: Afferre de piscibus quos prendidistis nunc* Ibid. Petrus illicò traxit in terram 153, magnos pisces. Voluit Christus, ut ex multitudine & magnitudine piscium, post irritum noctis laborem uno tractu captorum, cognoscerent id se ejus beneficio habere: unde ad impensius amandum moverentur. Advertè ergo, quæ ab eo accipis beneficia, & illis ad amandum moveare, ejusque gloriæ impende.

3. *Dicit eis Jesus: Venite prandete* Ibid. En quanta suavitas & affabilitas Christi invitantis & comprandentis. Ama hanc bonitatem Hunc verò cibum paravit Dominus, ut benevolè discipulos à labore per cibum refocillet, ait Euthym. Piscare & tu sedulo animas in hoc mundi mari natantes. Confide quòd Dominus in littore patriæ invitabit te, ut edas & bibas super mensam suam in regno suo. Luc. 22.

F E R I A III.

Christus committit Petro suas oves.

1. *C*um ergo prandissent, dicit Simoni Petro Jesus: *Simon Ioannes diligis me*
 plus

plus his? Dicit ei: *Etiam Domine, tu scis, quia amo te.* Dicit ei: *Pasce agnos meos.* Joan. 21. Destinatur Petrus supremus Pastor. Hunc multus labor manet; qui, nisi sit amor, non toleratur. Hinc August tract. 124. in Joan. *Interrogatur amor, imperatur labor.* Major ergo apud Christum est, qui plus amat. Pro hac tu magnitudine contende, cæteras ride. Petrus respondet: *Tu scis*: jam doctus sibi non credere. Nec addit: *plus his* memor suæ præsumptionis confusæ. Noli te aliis præferre. Deficit enim fervor, & confunditur præsumptio.

1. *Dicit ei iterum: Simon Ioannis diligis me? Dicit illi, &c.* Ibid. Repetit quæstionem ad exigendam amoris constantiam in pastore animarum. Sine hac neque tu animam benè gubernabis Felix Petrus! qui respõdere potuit: *Amo te.* Infelix ego! respondere deberem: *amo me, amo mea cõmoda, amo creaturas, & si te quandoq; amo, quam citò deficio, & tepesco.* At non ita posthac.

2. *Dicit ei tertio: Simon Ioannis amas me?* Ibid. Quare tertio quærit? Optat. Milevit. cont. Parmen. *Ne Apostoli severè contemnerent eum qui negaverat Christum.* Ita consult Superiorum auctoritati. S. Amb. in c. 22. Luc. *Quia tertio negaverat, tertio confitetur.* Quoties peccasti, negasti! an toties cõfessus es per veros vivæ fidei & amoris actus?

Assuesce ad frequentes fidei actus, quia sunt origo omnis boni. *Contristatus Petrus*, quòd tertio quæreret: quia vel redit antiqui sceleris memoria & dolor; vel subiit timor sui ipsius, etsi sibi nihil conscius esset. Time & tu, quia per hoc probatus non es, quod non sis tibi conscius.

F E R I A I V.

Christus prædicat Petro martyrium.

1. *C*um esses junior, cingebas te, & ambulabas ubi volebas: cum autem senueris extendes manus tuas, & alius te cinget, & ducet, quòd tu non vis Joan. 21. Post trinum amoris examen timuit Petrus, ne sicut post protestationem moriendi Christum negaverat, ita post amoris protestationem laboretur. Christus ergo eum certum reddit, quòd pro suo amore sit manus extensurus in Cruce. Dum non possum esse certus, quòd pro amore Jesu me alius crucifiget, crucifigam carnem meam cum concupiscentiis. Sed & si ab aliis aliqua afflictio veniat: extendam manus meas in amplexum.

2. Et cum hoc dixisset, dicit ei: Sequere me. *Conversus Petrus vidit alium discipulum.* Ibid. Prædixit Petro Crucem: qui ferenda sit, docet: Sequere me: exemplum meum sit tibi præ oculis. Ex hoc nos capite sub

Cru-

Cruce deficiamus, quòd non respiciamus in Iesum. *Respiciam ergo in auctorem & consummatorem Iesum* 2. Petrus vocatur; sequitur & Ioannes Qui amat, non expectat mandata, sed spontè sequitur Iesum. Unde tu lentè sequeris, nisi quia tepidè amas?

3. *Hunc ergo (Ioannem) cum vidisset Petrus, dixit Iesu; Hic autem quid? Dicit ei Iesus: Siceum volo manere, donec veniam, quid ad te? tu me sequere.* Ibid. Redarguitur Petri curiositas: quàm melius tua? investigas aliena, quæ domi quæ foris accidunt: *quid ad te? Observas quid, cum quibus, quamdiu agant alii: quid ad te? Immisces te negotiis alienis: quid ad te? tuum est Iesum sequi, ad hoc unum attende, reliqua Deo committe.*

F E R I A V.

Christus apparet in monte Galilææ, plus quàm quingentis discipulis.

¹ **U***Ndecim autem discipuli abierunt in Galilæam in montem.* Matth. 28 Memorat Paulus 1. Cor. 15. fuisse plus quàm 500. discipulos, Excitatos fuisse credo relatione fœminarũ, & aliorũ dicentium, quod sponderit se in Galilæa videndum. Christus charitatem suam non restrinxit ad paucos,

cos, sed in omnes extendit. Communica affectum omnibus, non uni particulari: in quo multus est sensualitati locus. Apostoli, qui Christum viderant, commonent alios, ut & ipsi tanti boni participes fiant. Quod tibi datum est, sine invidia communica. 3. Considera expectantium affectus & desideria.

2 *Vbi constituerat illu* Jesus. Ibid. Observat condictum locum & tempus suæ apparitionis Jesus, ut fideliter adimpleat, quod promittit. Quàm fidelis Deus in promissis! quàm tu parum ei fidelis! quanta proponis, quàm pauca agis! Quàm infidelis est mundus, & quàm accuratè ei servis!

3. *Et videntes eum adoraverunt. Quidam autem dubitaverunt.* Ibid. Ex iis nempe, qui eum antea non viderant, licet ex aliis omnia antea intellexerint. Hæc cordis nostri est durities ad divinas inspirationes. O tolle à me Domine, cor lapideum! Principio dubium fuit paucorum, exitu tamen communis omnium adoratio: cum qua reverentia, humilitate, amore & gaudio?

Ascende & tu montem altioris virtutis, ut talem consolationem merearis.

F E R I A VI.

Destinat discipulos ad conversionem mundi.

1. **E**T accedens Jesus locutus est eis: *Data est mihi omnis potestas in cælo. & in terra.* Matth. 28. Quam hæreditario jure habebat, vi unionis hypostaticæ ut naturalis Dei filius, potestatem, eam sibi datam ait per Crucem, & merita passionis. Vim serriæ mortificationis agnosce, per quam datur tibi potestas in cælo, seu in parte rationali; & in terra, seu in parte animali, in qua sunt pravæ affectiones. Agnosce hunc Dominum omnis potestatis: adora eum: subjice te ejus potestati. Roga, ut eam exerceat per superiores tuos, prout est ad gloriam suam.

2. *Sunt ergo docete omnes gentes.* Ibid. Expende illud: *Ergo.* Quia data est mihi potestas, ergo vos docete. Quomodo hoc sequitur? Ostendit se summæ potestati conjungere optimam voluntatem, & potestate hac uti ad benefaciendum. Ama hanc bonitatem, quam non semel expertus es. *Docete omnes.* Etiam in te respexit, neminem excludit. Si doces, *doce omnes;* non sperne pauperem. Assiste tam miseris, quam felicibus: imò illis potiùs, quia de illis habes: *Quod fecistis uni ex his fratribus meis minimis. mihi fecistis* Matth 25. O 5 3 Ba-

3. *Baptizantes eos in nomine Patris, &c.*
 Ibid. Abrogatur rigida lex circumcisionis in
 remedium peccati originalis, & instituitur
 Baptismus suavior. Age gratias Deo, quòd
 per legem Evangelicam jugum suave &
 onus leve reddiderit. Accepisti & tu hoc Ba-
 ptismi beneficium, quo carent tot pagani.
 Quid debes Domino? Factus es de familia
 Christi Christianus. Sed nomen pulchrum
 est grande convitium, si facta desint. Vives
 ergo, ut statum tuum decet, ut decet filium
 tanti Patris.

S A B B A T H O.

Continuatio instructionis Aposto-
lis datae.

1. **D**ocentes eos servare omnia, quaecumq;
 mandavi vobis. Ibid. S. Hier. hic ius-
 sit ut primum docerent, deinde fidei tingerent
 sacramento, post qua essent observanda, praeci-
 puerent. Servare dixit, non scire: quia finis
 legis evangelicæ est ejus observatio. Omnia,
 non aliqua. Qui enim offendit in uno, sit
 omnium reus Jac. 2. Observa ergo: ab hoc
 pendet salus tua, Et mandata ejus gravia
 non sunt. Imposuit enim ille, qui te amat.

2. Qui crediderit, & baptizatus fuerit
 salvus erit: qui verò non crediderit, conde-
 mnabitur.

mnabitur. Marc 6. *Intellige quid sit damna-
ri, quid salvari; utrumque à tua voluntate
pendere. Vis salvari? ad hoc Fide & Bap-
tismo opus est: Fide autem non mortua, quæ
est sine operibus; sed viva, & operibus pro-
bata. Age gratias pro Baptismo & Fide. Sed
expende, quomodo eam operibus probes.
Compatere, & ora pro iis, qui in tenebris
sedent.*

3 *Signa autem eos, qui crediderint, hæc se-
quentur. Ibid. Miraculis probanda Fides
prædicatur, quæ post probata est. Tu hæc
spiritualiter operare; dæmonia ejicient: S.
Bern ler. 1. de Alcens. cum eradicantur è cor-
de peccata. 2. Linguis loquuntur novis:
Idem: cum recedunt vetera de ore eorum 3.
Serpentes tollunt: Idem: cum venenatas
suggestiones extinguunt. Mortiferum sine
noxa bibunt, cum tentationes sentiunt, non
consentiunt 4. Super ægros manus impo-
nunt, & benè habent: Id est: cum agras affi-
ctioes bonis operibus operiunt.*

DOMIN. V. POST PASCHA.

Spondet nobiscum esse usq; ad con-
summationem seculi.

1. **E**cce ego vobiscum sum omnibus diebus,
usq; ad consummationem seculi. Matt.
28. Mit-